



অবিলম্বে প্রকাশের জন্য: 12/24/2025

গভর্নর ক্যাথি হোকল

গভর্নর হোকল ছুটির মরসুমের পরে তুষারপাতের আগাম সতর্কতা জারি করেছেন

সাউদার্ন টিয়ার, মিড হাডসন, নিউ ইয়র্ক সিটি এবং লং আইল্যান্ড অঞ্চলে সর্বোচ্চ  
তুষারপাত সহ, শুক্রবারে স্টেট ব্যাপী তুষাতপাত শুরু হবে

ওয়েস্টার্ন নিউ ইয়র্ক এবং ফিঙ্গার লেকস অঞ্চলে শিলাবৃষ্টি ও বরফের মতো বৃষ্টির মতো  
শীতকালীন মিশ্র আবহাওয়া দেখা যেতে পারে

নিউ ইয়র্কবাসীরা 333111 নম্বরে টেক্সট করে আবহাওয়া এবং জরুরি সতর্কতার জন্য  
সাইন আপ করতে পারেন

শুক্রবার থেকে শুরু করে শনিবার সকাল পর্যন্ত স্টেটজুড়ে তুষারপাত হওয়ার সম্ভাবনা রয়েছে, যা স্টেটের বিভিন্ন এলাকাকে প্রভাবিত করবে, তাই গভর্নর Kathy Hochul (ক্যাথি হোকল) আজ নিউ ইয়র্কবাসীদের সতর্ক থাকার আহ্বান জানিয়েছেন। সাউদার্ন টিয়ার অঞ্চলের বিভিন্ন এলাকায় চার থেকে ছয় ইঞ্চি পর্যন্ত তুষারপাত হতে পারে, অন্যদিকে মিড-হাডসন অঞ্চলে আট ইঞ্চি পর্যন্ত তুষারপাতের সম্ভাবনা রয়েছে। ওয়েস্টার্ন নিউ ইয়র্ক এবং ফিঙ্গার লেকস অঞ্চলে শিলাবৃষ্টি ও বরফের মতো বৃষ্টির মতো শীতকালীন মিশ্র আবহাওয়া দেখা যেতে পারে, যা রাস্তাগুলোকে মসৃণ ও পিচ্ছিল করে তুলবে। বৃহস্পতিবার বড়দিনের ছুটি থাকায়, যারা শুক্রবার ভ্রমণের পরিকল্পনা করছেন, তারা হয়তো ভ্রমণের পরিকল্পনা পুনর্বিদ্যায় করতে চাইতে পারেন এবং যদি আপনাকে রাস্তায় বের হতেই হয়, তবে গন্তব্যগুলোতে পৌঁছানোর জন্য অতিরিক্ত সময় হাতে রাখুন এবং আপনার গাড়িতে অবশ্যই নিরাপত্তা সংক্রান্ত প্রয়োজনীয় জিনিসপত্র রয়েছে।

“নিউইয়র্ক তুষারপাত ও ঠান্ডা আবহাওয়ার সাথে অপরিচিত নয় এবং বড়দিনের ছুটির মরসুমের কথা বিবেচনা করে, রাস্তায় বের হওয়ার আগে অতিরিক্ত প্রস্তুতি নেওয়া জরুরি”, গভর্নর Hochul (হোকল) বলেন। “বরাবরের মতোই, আমি নিউ ইয়র্কবাসীদের তাদের স্থানীয় আবহাওয়ার পূর্বাভাস পর্যবেক্ষণ করতে এবং আমাদের আবহাওয়া ও জরুরি সতর্কতা সিস্টেমে তাদের কাউন্টি বা বরোর নাম টেক্সট করার জন্য অনুরোধ জানাচ্ছি। সতর্ক থাকুন, প্রয়োজনে ধীরে গাড়ি চালান এবং ছুটির সপ্তাহান্তটি নিরাপদে কাটান।”

বৃষ্টি এবং বাতাসের জন্য প্রস্তুত হওয়ার পাশাপাশি, নিউ ইয়র্কবাসীদের এছাড়াও বেশি ঠাণ্ডা আবহাওয়া এবং শীতকালের কর্মকাণ্ডের ফলাফলের ফলে যে বিপদ হতে পারে তার জন্য প্রস্তুত ও সুরক্ষিত থাকা উচিত। স্টেটের নিয়মকানুনের অধীনে, তাপমাত্রা এবং ঠাণ্ডা বাতাস যখনই 32 ডিগ্রির কম হয়, তখন একটি কোড ব্লু (Code Blue) অটোমেটিকভাবে কার্যকর হয়।

গৃহহীনতায় ভুগতে থাকা ব্যক্তিদের কাছে যাতে শেল্টারের অ্যাক্সেস থাকে এবং শেল্টারের সময় বাড়িয়ে দেওয়া হয় তা নিশ্চিত করার জন্য প্রয়োজনীয় পদক্ষেপ নেওয়া স্থানীয় সোশ্যাল সার্ভিসেস ডিসট্রিক্টগুলির জন্য আইনত বাধ্যতামূলক। এছাড়াও নিউ ইয়র্কবাসীদের [স্বাস্থ্য দপ্তরের \(Department of Health\) দেওয়া ঠাণ্ডা আবহাওয়ার পরামর্শ; কার্বন মনোক্সাইড বিষক্রিয়ার তথ্য; জেনারেটরের সঠিক ব্যবহার; এবং শীতকালে নিরাপদে গাড়ি চালানোর পরামর্শ](#) দেখে নেওয়া উচিত।

নিউ ইয়র্ক স্টেটের (New York State) ডিপার্টমেন্ট অব লেবার (Department of Labor) কর্মী এবং চাকরিদাতাদেরকে চরম ঠাণ্ডা আবহাওয়ার সেবা প্র্যাকটিসগুলি করার পরামর্শ দিয়েছে যেমন:

- ঘরের বাইরের কাজ সীমিত করা, গরম এলাকায় ঘনঘন বিরতি দেওয়া এবং দিনের সবথেকে গরম সময়ে ঘরের বাইরের কাজ করার শিডিউল স্থির করা।
- পরিষ্কার খাওয়ার পানির অ্যাক্সেস নিশ্চিত করা।
- গরম পানীয় দিয়ে হাইড্রেটেড থাকা এবং ক্যাফেইন পান করা এড়িয়ে চলা।
- যথাযথ PPE পড়া, যার মধ্যে কমপক্ষে তিন লেয়ারের কাপড়, গ্লাভস বা মিটেস, ভারী মোজা, ইনসুলেটেড জুতা এবং একটি টুপি, হুড বা হার্ড হ্যাট লাইনার থাকবে।

ঠাণ্ডা আবহাওয়ায় কাজ করার ব্যাপারে আরো তথ্য পাওয়া যাবে [এখানে](#)।

উইন্টার স্টর্ম ওয়াচ (Winter Storm Watches) জারি করা হয়েছে এবং নিউ ইয়র্কবাসীদেরকে তাদের স্থানীয় পূর্বাভাসের উপর ভালো করে নজর রাখা এবং ন্যাশনাল ওয়েদার সার্ভিসের (National Weather Service) জারি আপডেট দেখা উচিত। আবহাওয়ার সতর্কতার সম্পূর্ণ তালিকার জন্য, ন্যাশনাল ওয়েদার সার্ভিসের ওয়েবসাইট [alerts.weather.gov](https://alerts.weather.gov)-এ ভিজিট করুন।

নিউ ইয়র্কবাসীদের উচিত তাদের মোবাইল ফোনে সরকারি জরুরি সতর্কতা চালু আছে কিনা তা নিশ্চিত করা। এছাড়াও তাদের উচিত তাদের কাউন্টি অথবা বরোর নাম [333111](#) নম্বরে টেক্সট করে তাদের ফোনে বর্তমান আবহাওয়া ও জরুরি সতর্কতা পাওয়ার জন্য সাইন আপ করা।

### **এজেন্সির প্রস্তুতি**

#### **স্বদেশের নিরাপত্তা ও জরুরী পরিষেবা বিভাগ (Division of Homeland Security and Emergency Services, DHSES)**

ডিভিশনের অফিস অফ ইমার্জেন্সি ম্যানেজমেন্ট (Office of Emergency Management) তাদের স্থানীয় কাউন্টারপার্টের সাথে যোগাযোগ রেখেছে এবং সাহায্যের যেকোনো স্থানীয় অনুরোধের সাড়া দান করতে তৈরি আছে। স্টেটের মজুদসমূহ প্রয়োজন অনুযায়ী জরুরি সাড়াদানের সম্পদ এবং সাপ্লাই মোতায়ন করতে প্রস্তুত। স্টেট ওয়াচ সেন্টার (State Watch Center), নিউ ইয়র্কের 24/7 সতর্কতা ও ওয়ার্নিং কেন্দ্র, ঝড়ের পথ এবং পুরো স্টেটে এর প্রভাবের উপর নজর রাখছে।

#### **পরিবহন বিভাগ (Department of Transportation)**

স্টেট পরিবহন বিভাগ আবহাওয়া পরিস্থিতি পর্যবেক্ষণ করছে এবং স্টেট-ব্যাপী 3,605 জন অপারেটর এবং সুপারভাইজারকে নিয়ে সাড়াদানের জন্য প্রস্তুত রয়েছে। স্টাফগণকে যেকোনো ধরনের অপারেশন (প্লো, ড্রেনেজ, চিপার, লোড এবং হোল, কাট এবং টস) ক্রু হিসেবে কনফিগার করা যেতে পারে। প্রভাবিত সকল আবাসিক অবস্থানে ইভেন্ট এবং অগ্রাধিকার পাওয়া পরিষ্কার করার অপারেশনের পুরো সময় 24/7 অপারেশনের জন্য কর্মী থাকবেন। প্রভাবিত এলাকায় ফ্লিট মেকানিকগণ প্রয়োজনীয় মেরামত পরিচালনা করতে সমস্ত প্রধান রেসিডেন্সি অবস্থানে 24/7 কাজ করবেন যাতে ট্রাকগুলো সড়কে চালু থাকে।

বিদ্যমান সমস্ত রেসপন্সমূলক সরঞ্জাম মোতায়েনের জন্য প্রস্তুত রয়েছে। স্টেট ব্যাপী থাকা ইকুইপমেন্টের সংখ্যা নিম্নোক্তানুসারে:

- 1,615টি বড় বরফ পরিষ্কার করার (প্লাউ) ট্রাক
- 343টি বড় লোডার
- 150টি মিডিয়াম ডিউটি প্লাউ যুক্ত ট্রাক
- 36টি বড় স্নো ব্লোয়ার
- 53টি টো প্লাউ

ইকুইপমেন্ট অপারেটর প্রশিক্ষকগণ তুষারপাত ঘটে এমন সমস্ত এলাকায় প্লো অপারেটর প্রশিক্ষণ দেওয়ার জন্য নিয়োজিত থাকবেন।

তাৎক্ষণিক ভ্রমণ তথ্য জানার জন্য মোটর চালকগণ 511 নম্বরে কল করুন অথবা [www.511NY.org](http://www.511NY.org) ভিজিট করুন, নিউ ইয়র্ক স্টেটের অফিসিয়াল ট্রাফিক এবং ভ্রমণ সংক্রান্ত তথ্য কেন্দ্র।

### **থ্রুওয়ে অথোরিটি (Thruway Authority)**

থ্রুওয়ে কর্তৃপক্ষ 688 জন অপারেটর এবং সুপারভাইজার নিয়ে সাড়াদানের জন্য প্রস্তুত আছে। পুরো স্টেটের সরঞ্জামের সংখ্যা ও রিসোর্সের তালিকা নিচে দেওয়া হলো:

- 332টি লার্জ ও মিডিয়াম ডিউটি প্লাউ ট্রাক
- 11টি টো প্লাউ
- 64টি লোডার
- 127,000+ টন লবণ মজুত রয়েছে

থ্রুওয়েতে মোটরচালকদেরকে শীতকালীন আবহাওয়ার অবস্থা সম্পর্কে সতর্ক করতে ভ্যারিয়েবল মেসেজ সাইন (Variable Message Signs) ও সোশ্যাল মিডিয়া ([X](#) এবং [Facebook](#)) ব্যবহার করা হচ্ছে।

গাড়ি চালকদের মনে করিয়ে দেওয়া হচ্ছে যে থ্রুওয়ে-তে স্নো প্লাউগুলি প্রতি ঘণ্টায় প্রায় 35 মাইল বেগে চলে, যা অনেক ক্ষেত্রে পোস্ট করা গতি সীমার থেকে কম গতি, যাতে নিশ্চিত করা যায় যে ছড়িয়ে দেওয়া লবণ ড্রাইভিং লেনে থাকে এবং রাস্তার বাইরে ছড়িয়ে না পড়ে। গাড়ির

চালকদের জন্য সবথেকে নিরাপদ জায়গা হলো ম্লোপ্লাউয়ের পেছনে বেশ দূরে থাকা যেখানে রাস্তা পরিষ্কার করা হয়েছে ও লবণ ছড়ানো হয়েছে।

থ্রুওয়ে কর্তৃপক্ষ তাদের [মোবাইল অ্যাপ](#) ডাউনলোড করতে গাড়িচালকদেরকে উৎসাহিত করে যা আইফোন ও অ্যান্ড্রয়েড ডিভাইসের জন্য বিনামূল্যে পাওয়া যায়। অ্যাপটি চলার পথে মোটরযান চালকদের রিয়েল-টাইম ট্র্যাফিক তথ্য, লাইভ ট্র্যাফিক ক্যামেরা, ও ন্যাভিগেশনের সাহায্য দিয়ে থাকে। এছাড়াও থ্রুওয়ের সাম্প্রতিক যান চলাচলের পরিস্থিতি জানার জন্য মোটরচালকেরা [TRANSalert](#) ইমেলের জন্য সাইন আপ করতে পারেন এবং X-এ [@ThruwayTraffic](#)-কে ফলো করতে পারেন।

### **জনসেবার বিভাগ (Department of Public Service)**

পুরো নিউ ইয়র্ক স্টেটে ক্ষয়ক্ষতি যাচাই, সাড়াদান, মেরামত, এবং পুনঃস্থাপন চেষ্টার কাজে জড়িত হওয়ার জন্য নিউ ইয়র্কের ইউটিলিটিগুলির কাছে বর্তমানে প্রায় 5,500 জন কর্মী আছেন। ডিপার্টমেন্টের কর্মীরা পুরো সময় ইউটিলিটিগুলির কার্যক্রমের উপর নজর রাখবে এবং সবথেকে বেশি প্রভাবিত হতে পারে বলে ধারণা করা এলাকাগুলোতে ইউটিলিটি ডিপার্টমেন্টের পর্যাপ্ত কর্মী নিয়োগের বিষয়টি নিশ্চিত করবে।

### **নিউ ইয়র্ক স্টেট পুলিশ**

নিউ ইয়র্কের স্টেট পুলিশ পূর্বাভাসের উপর ভালো করে নজর রেখেছে এবং স্টেটে যেহেতু আশঙ্কা অনুযায়ী আবহাওয়া চলে আসছে তাই ডিভিশন অফ হোমল্যান্ড সিকিউরিটি অ্যান্ড ইমার্জেন্সি সার্ভিসেস, ডিপার্টমেন্ট অফ ট্রান্সপোর্টেশন, থ্রুওয়ে অথোরিটি, ডিপার্টমেন্ট অফ এনভায়রনমেন্টাল কনজার্ভেশন, পার্কস (Parks), এবং আমাদের স্থানীয় পার্টনারদের সাথে সমন্বয় করেছে। ট্রুপার এবং বিশেষায়িত ইউনিটগুলি তৈরি আছেন এবং পুরো অঞ্চলে যেকোনো আবহাওয়া সম্পর্কিত জরুরি অবস্থায় সাড়াদানের জন্য, গাড়ির চালকদের সাহায্য করার জন্য, এবং পরিস্থিতি খারাপ হলে স্থানীয় কমিউনিটিগুলিকে সমর্থন করার জন্য প্রস্তুত আছেন।

জননিরাপত্তা আমাদের অগ্রাধিকার, এবং এই আবহাওয়ার ঘটনার সময় জনগণকে সুরক্ষিত রাখতে আমরা প্রয়োজনমত কর্মী এবং রিসোর্সকে ব্যবহার করতে থাকবো। জরুরি দরকারের সময় 911 নম্বরে ফোন করুন।

### **ডিপার্টমেন্ট অফ এনভায়রনমেন্টাল কনজার্ভেশন (Department of Environmental Conservation, DEC)**

ডিপার্টমেন্ট অফ এনভায়রনমেন্টাল কনজার্ভেশনের (DEC) ইমার্জেন্সি ম্যানেজমেন্ট কর্মী, কনজার্ভেশন পুলিশ অফিসার, ফরেস্ট রেঞ্জার্স এবং আঞ্চলিক কর্মীরা সতর্ক থাকবেন এবং আবহাওয়ায় পরিস্থিতির উপর নজর রাখবেন। তীব্র বাতাস, ভারী বৃষ্টিপাত, এবং তুষার ও বরফের কারণে যেসব প্রভাবের সম্ভাবনা আছে তার প্রস্তুতিতে টার্গেট করা এলাকাগুলিতে ব্যবহারের জন্য হাতে থাকা সকল সম্পদের রিসোর্স, যার মধ্যে ফার্স্ট রেসপন্ডার আছে, তা মোতামেন করাকে সমন্বয় করতে পার্টনার এজেন্সিগুলির সাথে কাজ করে DEC প্রস্তুত আছে।

DEC তুষার সরানো ও ফেলে দেওয়ার দায়িত্ব পাওয়া ব্যক্তিদের মনে করিয়ে দিচ্ছে তারা যাতে বন্যা প্রতিরোধ করতে এবং পানির মানকে লবণ, বালি, তেল, আবর্জনা এবং অন্যান্য রাবিশের মতো দূষণকারী পদার্থ দিয়ে প্রভাবিত হওয়ার সম্ভাবনা কম করতে সাহায্য করার জন্য ব্যবস্থাপনার সেরা প্র্যাকটিস মেনে চলেন। স্থানীয় খাঁড়ি ও ঝর্ণায় বরফ ফেলার কারণে বরফের বাঁধ তৈরি হতে পারে, যার ফলে বন্যা হতে পারে। সরকারি ও বেসরকারি তুষার অপসারণ অপারেটরদেরকে শীতকালীন ঝড় চলাকালীন ও পরবর্তী এইসব নিরাপত্তা সংক্রান্ত বিষয়ে অবগত থাকতে হবে। [ডিভিশন অফ ওয়াটার টেকনিক্যাল অ্যান্ড অপারেশনাল গাইডেন্স সিরিজ: স্নো ডিস্পোজালে \(Division of Water Technical and Operational Guidance Series: Snow Disposal\)-এ](#) অতিরিক্ত তথ্য পাওয়া যাবে।

## হাইকিং নিরাপত্তা

অ্যাডিরন্ড্যাকস (Adirondacks), ক্যাটস্কিল (Catskills) ও অন্যান্য ব্যাককান্ট্রি এলাকায় অপ্রত্যাশিত শীতকালীন আবহাওয়া ও ঝড়ের কারণে অনেক ধরণের বিপজ্জনক পরিস্থিতি তৈরি হতে পারে। বেড়াতে যাওয়া মানুষের উচিত তুষার, বরফ ঠাণ্ডার জন্য যথাযথ পোশাক ও সরঞ্জাম নিয়ে তৈরি থাকা যাতে একটি নিরাপদ শীতের অভিজ্ঞতা নিশ্চিত করা যায়। অ্যাডিরন্ড্যাকে তুষারের গভীরতার মধ্যে অনেক পার্থক্য থাকতে পারে, হাই পিকস (High Peaks) অঞ্চলের উঁচু জায়গায় এবং 3,000 ফুটের বেশি অন্যান্য পাহাড়ে সবথেকে গভীর তুষার পড়বে। কম উঁচু ট্রেইলে তুষার, বরফ, এবং স্লাশের মিশ্রিত অবস্থা থাকবে, যেমন ক্যাটস্কিল মাউন্টেনসের (Catskill Mountains) অনেক ট্রেইল যেখানে বরফের ট্রেইলের অবস্থা থাকা সম্ভব।

যারা ব্যাককান্ট্রিতে বেড়াতে যাবেন তাদের [স্মার্টভাবে হাইক করা \(Hike Smart\)](#) উচিত এবং যথাযথ নিরাপত্তার গাইডলাইন মেনে চলা উচিত। ভেবেচিন্তে ভ্রমণের পরিকল্পনা করুন। জরুরি প্রয়োজনে, 9-1-1 নম্বরে ফোন করুন। ফরেস্ট রেঞ্জার সহায়তা অনুরোধ করার জন্য, 1-833-NYS-RANGERS নম্বরে ফোন করুন। যদিও কিছু ওয়াটারগেয়ে জমে আছে বলে মনে হতে পারে, তবে সেদিকে যাওয়ার আগে [বরফের নিরাপত্তা সম্পর্কিত গাইডলাইন দেখার](#) জন্য DEC প্রকৃতিপ্রেমীদেরকে পরামর্শ দিচ্ছে।

হাইকারদের সাময়িকভাবে বেশি উচ্চতার ট্রেইলের, এবং সেই সাথে তীব্র ঝোড়ো আবহাওয়ার সময় নদী এবং ঝোরাগুলো পারাপারের ট্রেইলগুলি এড়ানোর পরামর্শ দেওয়া হচ্ছে। ট্রেইলের পরিস্থিতি, মৌসুমী রাস্তা বন্ধ হওয়া, এবং সাধারণ বিনোদনের তথ্য সম্পর্কে সর্বশেষ খবরের জন্য হাইকারদেরকে DEC এর ওয়েবপেজগুলি দেখে নেওয়ার জন্য উৎসাহিত করা হচ্ছে।

## অফিস অফ পার্কস, রিক্রিয়েশন অ্যান্ড হিস্টোরিক প্রিজার্ভেশন (Office of Parks, Recreation and Historic Preservation)

নিউ ইয়র্ক স্টেট পার্ক পুলিশ এবং পার্কের পার্সোনেলরা সতর্ক আছে এবং আবহাওয়া পরিস্থিতি এবং তার পরিণামের উপর কড়া নজর রাখছেন। প্রতিক্রিয়া সরঞ্জাম প্রসার করা হচ্ছে, পরীক্ষিত এবং ঝড় প্রতিক্রিয়া ব্যবহারের জন্য প্রস্তুত করা হচ্ছে। পার্কে বেড়াতে আসা মানুষকে [parks.ny.gov](http://parks.ny.gov) ভিজিট করতে হবে, ফ্রি মোবাইল অ্যাপ [NY State Parks Explorer](#) চেক করতে হবে বা পার্ক কতক্ষণ খোলা থাকবে, খোলা এবং বন্ধ সময় সম্পর্কে সর্বশেষ আপডেটের জন্য নিজেদের স্থানীয় পার্ক অফিসে ফোন করতে হবে।

**মেট্রোপলিটন ট্রান্সপোর্টেশন অথরিটি (Metropolitan Transportation Authority, MTA)** মেট্রোপলিটন ট্রান্সপোর্টেশন অথরিটি (MTA) নিরাপদ, নির্ভরযোগ্য সেবা নিশ্চিত করতে আবহাওয়ার অবস্থা নিবিড়ভাবে পর্যবেক্ষণ করছে। ঝড় চলাকালীন সময়ে লবণ ছিটানো, যেসব প্ল্যাটফর্ম ও সিঁড়িতে বরফ রয়েছে সেগুলো পরিষ্কার রাখা, এবং সিগনাল, সুইচ, ও থার্ড রেল কর্মক্ষম রাখা, ট্র্যাকের উপর পড়ে থাকা গাছপালা সরানো, এবং আবহাওয়ার ফলে তৈরি হওয়া যেকোনো চ্যালেঞ্জ মোকাবেলার জন্য MTA কর্মীরা নিয়োজিত থাকবেন। MTA ব্রিজ ও টানেল (MTA Bridges and Tunnels) মোটরযান চালকদের তুষারাবৃত বা বরফে ঢাকা সড়কপথে গাড়ি চালানোর সময় সতর্কতা অবলম্বন করতে এবং গতি কমিয়ে গাড়ি চালাতে পরামর্শ দেয়।

গ্রাহকদেরকে সেবার সাম্প্রতিক তথ্য জানতে MTA অ্যাপ, ট্রেন টাইম অ্যাপ, বা [mta.info](http://mta.info) দেখার জন্য এবং সিস্টেমে চলাচল করার সময়ে সতর্ক থাকার জন্য উৎসাহিত করা হচ্ছে। উপরন্তু, রিয়েল টাইমে টেক্সট বা ইমেইলের মাধ্যমে পরিষেবা সংক্রান্ত সতর্কতা পাওয়ার জন্য গ্রাহকদের সাইন আপ করার জন্য উৎসাহিত করা হচ্ছে।

**নিউ ইয়র্ক ও নিউ জার্সি বন্দর কর্তৃপক্ষ (Port Authority of New York and New Jersey)** পোর্ট অথরিটি তার সকল স্থাপনা জুড়ে আবহাওয়া পরিস্থিতি পর্যবেক্ষণ করে। তীব্র আবহাওয়ার ঘটনায় এজেন্সি যাত্রা সতর্কতা জারি করে এবং ফেসিলিটি ইমেল সতর্কতা বা সোশ্যাল মিডিয়ার মাধ্যমে প্রয়োজনমতো সর্বশেষ তথ্য প্রদান করে। পোর্ট অথরিটি ফ্যাসিলিটি সম্পর্কে সর্বশেষ তথ্যের জন্য, অনুগ্রহ করে সোশ্যাল মিডিয়া দেখুন, [PA অ্যালার্ট](#) এর জন্য সাইন আপ করুন অথবা [PA মোবাইল অ্যাপগুলির](#) মধ্যে কোনোটি ডাউনলোড করুন, যেমন PATH সেবা সম্পর্কে বাস্তব সময়ের সর্বশেষ তথ্য ও অ্যালার্ট দেওয়ার অ্যাপ RidePATH।

### শীতকালে নিরাপদে গাড়ি চালানোর পরামর্শ

- আপনার স্থানীয় এলাকা এবং আপনি যে এলাকায় ভ্রমণ করছেন সেখানকার পূর্বাভাসের উপর নজর রাখুন।
- অপ্রয়োজনীয় ভ্রমণ এড়িয়ে চলুন।
- যদি আপনাকে ভ্রমণ করতেই হয়, আপনার গাড়িতে জীবন-রক্ষাকারী সরঞ্জাম যেমন কম্বল, বেলচা, ফ্ল্যাশলাইট ও বাড়তি ব্যাটারি, বাড়তি গরম পোশাক, টায়ার চেইনের সেট, ব্যাটারির বুস্টার ক্যাবল, দ্রুত শক্তিদায়ক খাবার এবং বিপদ সংকেত দেয়ার জন্য ব্যবহারের উদ্দেশ্যে উজ্জ্বল রঙের কাপড়ের টুকরা রয়েছে তা নিশ্চিত করুন।
- যদি আপনার কাছে ব্যবহারের জন্য সেল ফোন অথবা অন্যান্য যোগাযোগের ডিভাইস যেমন টু-ওয়ে রেডিও থাকে, তাহলে ব্যাটারিতে চার্জ দিয়ে রাখুন এবং কোথাও যাওয়ার সময় সেটি আপনার সাথে রাখুন। যদি আপনি হারিয়ে যান, সাহায্যের জন্য কল করে উদ্ধারকারীদেরকে আপনার লোকেশন জানাতে পারবেন।
- শীতকালীন সময়ে মৃত্যু ও আঘাতপ্রাপ্তির শীর্ষ কারণ হলো পরিবহনজনিত দুর্ঘটনা। গাড়িতে চলাচল করার আগে আপনার যানবাহন বরফ ও তুষার থেকে মুক্ত আছে তা নিশ্চিত করে নিন; ভালোভাবে দৃষ্টিগোচর হওয়াটা ভালোভাবে গাড়ি চালানোর মূল চাবিকাঠি। আপনার থামার স্থানগুলো সম্পর্কে পরিকল্পনা করে রাখুন এবং গাড়িগুলোর মধ্যে আরো বেশি দূরত্ব রাখুন। অতিরিক্ত সতর্ক থাকুন এবং মনে রাখবেন যে তুষারকণা

ছোট শিশুদেরকে আড়াল করে দিতে পারে। সবসময় সড়ক ও আবহাওয়ার অবস্থার সঙ্গে আপনার গতির মিল রাখুন।

- সব রাস্তার চালকদের খেয়াল রাখতে হবে যে স্লোপ্লাউ ঘণ্টায় 35 মাইল গতিতে চলে, যা অনেক জায়গার লিখে রাখা স্পিড লিমিটের থেকে কম হয়।
- প্রায়ই ইন্টারস্টেট হাইওয়েতে একের বেশি স্লোপ্লাউ পাশাপাশি চালানো হয়, যাতে একাধিক লেন একসাথে নিরাপদে পরিষ্কার করা যায়।
- গাড়ি চালক ও পথচারীদেরকেও খেয়াল রাখতে হবে যে স্লো-প্লাউ চালকদের দৃষ্টিগোচরতা সীমিত থাকে, এবং স্লো-প্লাউ এর আকার ও ওজন সেটিকে দ্রুত সরানো ও বন্ধ করা কঠিন করে তুলতে পারে। প্লাউয়ের পেছনে যে তুষার উড়তে থাকে তার কারণে অনেক কম দেখা যেতে পারে বা হোয়াইটআউট অবস্থা হতে পারে।
- গাড়ির চালকদের স্লোপ্লাউকে পাশ কাটিয়ে যাওয়ার চেষ্টা না করা বা অনেক কাছ থেকে ফলো না করা উচিত। গাড়ি চালকদের জন্য গাড়ি চালানোর জন্য সবচেয়ে নিরাপদ জায়গা হলো স্লো-প্লাউ এর বেশ পিছনে যেখানে সড়কপথ পরিষ্কার রয়েছে ও লবণ ছিটানো হয়েছে। কখনোই সচল থাকা একটি স্লোপ্লাউয়ের পাশ কাটানোর চেষ্টা করবেন না।

###

আরো সংবাদ পাওয়া যাবে এখানে [www.governor.ny.gov](http://www.governor.ny.gov) -এ  
নিউ ইয়র্ক স্টেট | এক্সিকিউটিভ চেম্বার | [press.office@exec.ny.gov](mailto:press.office@exec.ny.gov) | 518.474.8418  
গভর্নরের অফিস থেকে আপডেট পেতে সাইন-আপ করুন: [ny.gov/signup](http://ny.gov/signup) | NEW YORK লিখে 81336 নম্বরে  
টেক্সট পাঠান

[আনসাবস্কাইব করুন](#)